



26.09.2024

UKA2024/26

Mette Arqe-Hammeken, Naleraq

## **Siunnersuutip qulequtaa**

### **Ilinniarnertuunngorniartarneq pillugu Inatsisartut inatsisaata allanngortinneqarnera pillugu Inatsisartut inatsisaat**

(Ukiut pingasut sinnerlugit sivisussusilimmik ilinniarfigerusutamut akuerisaanissamut ilassutitut piumasaqaatit) (Meeqqanut, Inuuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

## **Siullermeerneqarnera**

Siullermi qujanaq Meeqqanut, Inuuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq siunnersummut saqqummiussarnut.

Timersornermik sammiveqarluni ilinniarneretuunngorniarneq 2015-mi misiliutitut aallartissimasoq kingornalu iluatsilluartumik ingerlasimanermigut ukioq atuarfiusoq 2021/2022 timersornermi sammiveqarluni ilinniarneretuunngorniarneq misiliutitut ingerlajunnaarluni timersornermik sammiveqarluni ilinniarneretuunngorniarnivittut ingerlalersimanera tusarlugu nuannerlunilu qujanarpoq taamatut killittoqarsimamat.

Naalakkersuisup oqarnerattut timersornermik sammiveqarluni ilinniarneretuunngorniarnermut qinnuteqartup timersornikkut piginnaasai tunngavigalugit itigartitaasimasoq naammagittaalliorsimasoq, tassa naammagittaalliorsimasup anguniakkani, angorusutani, sinnattuni namminermullu siunissami iluaqtigalugu aallukkusutani pillugit nipangiinnarani naammagittaalliuuteqarsimanera aamma qujanarpoq, taamaalliluni Naalakkersuisoqarfiup naammagittaalliummik suliaqarnermini paasisivaa arlaatigut inatsimmi ilassutitut aaqqiisoqartariqartoq, massakkullu taanna pillugu Inatsisatunut oqaluuserisassanngortillugu, Naleqqamiit oqaatigissuarput Naalakkersuisut ilassutitut piumasaqaatinik malittarisassiornissamut inatsisitigut tunngaviliisussaq siunertaat isumaqatigigatsigu, taamaallaat paaserusutagut ukuupput, oqaatigineqartoq ukiut marluk unitsitsigallartut, taava taakku qanoq naatsorsorneqassappat? Assersuutigalugu December 2024-imiit januar 2026 tungaanut, tassa qaammatit 13-it ukiut



# Naleraq

marluttut taaneqarpat? Imaluunniit qaammatit 24 ukiut marluittut naatsorsorneqarpat?

Aallarteqqinnermilu assersuutigalugu ilinniartup semesterit arfineq-marluat angullugu  
naammassereersimappagu taava imaappa semesterit arfineq-pingajuanniit  
aallarteqqittoqarsinnaasoq?

Kiisalu paaserupparput unitsitigallarnermi ukiut marluunerakkat sinnersimagaanni  
aallarteqqinniarlunilu qinnuteqarnermi imaassanerpa ilinniartoq killiffimminiit ilinniakkani  
nanginnagu aallaqqaataaneernissaa piumasaqaataassasoq? Ilinniarneruntuungorniarfimmi  
ingerlaqqinneq ukiut arfineq - marlunngoratarsinnaanera pillugu apeqqutit taakkua pillugit  
ersarissaasoqartariaqarnera pisariaqartikkatsigu Kultureqarnermut, Ilinniartitaanermut,  
Ilisimatusarnermut Ilageeqarnermullu Ataatsimiititaliamut Naleqqamiit ingerlateqqipparput

Qujanaq